

東垣試效方

		一	漢
		二	書
		八	門
		九	
五	二		
三	一		
册	架	函	號

內閣文庫			
三〇〇	二八	一	漢
函	二	九	書
册	架	號	類

內閣文庫			
番號	漢	12819	
冊數	5 (3)		
函號	300	223	

0 1 2 3 4 5 6 7 8 9 10



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale

G Y M

© Kodak, 2007 TM: Kodak






婦人門

東垣效方卷第四

經閉不行有三

陰陽別論云二陽之病發心脾有不得隱曲女子不月其傳為風消為息責者死不治婦人脾胃久虛或形羸氣血俱衰而致經水斷絕不行或病中消胃熱善食漸瘦津液不生夫經者血脈津液所化津液既絕為熱所燥肌肉消瘦時見渴躁血海枯竭病名曰血枯經絕宜瀉胃之燥熱補益氣血經自行矣此證或經適行而有子子不安為胎病者有矣或心包脈洪數躁作時見大便秘澀小便雖清



不利而經水閉絕不行此乃血海乾枯宜調血脈除包絡
中火邪而經自行矣內經所謂小腸移熱於大腸為痔瘡
為沉月澁不利則月事沉滯而不利故云為痔瘡為沉也
或因勞心心火上行月事不來安心補血瀉火經自行矣
故內經云月事不來者胞脈閉也胞脈者屬心而絡於胞
中令氣上迫肺心氣不得下故月事不來也

經閉治驗

裴澤之之夫人病寒熱而月事不至者數年矣已加喘嗽
醫者率以蛤蚧桂附等投之曰不然夫人病陰為陽所搏
溫劑大過故無益而反害投以涼血和血之藥則經行矣

已而果然

經漏不止有三

陰陽別論云陰虛陽搏謂之崩婦人脾胃虛損致命門脈
沉細而數疾或沉弦而洪大有力寸關脈亦然皆由脾胃
有虧下陷於腎與相火相合濕熱下迫經漏不止其色紫
黑如夏月腐肉之臭中有白帶者脈必弦細寒作於中中
有赤帶者其脈洪數疾熱明矣必腰痛或臍下痛臨經欲
行先見寒熱往來兩脇急縮兼脾胃證出見或四肢困熱
心煩不得眠卧心下急宜大補脾胃而升舉血氣可一服
而愈或人故貴脫勢人事疎少或先嘗後貧心氣不足其

火大熾旺於血脉之中又致脾胃飲食失節火乘其中形質肌肉容顏似不病者此心病者不行於診故脾胃飲食不調其證顯矣而經水不時而下或適來適斷暴下不止治當先說惡死之言勸諭令拒死而心不動以大補氣血之藥舉養脾胃微加鎮墜心火之藥治其心補陰瀉陽經自止矣痿論云悲哀大甚則胞絡絕則陽氣內動發則心下崩數澀血也故本病曰大經空虛癸則肌痺傳為脉痿此之謂也

崩漏治驗

宣德侯經歷之家人病崩漏醫莫能效切脉且以紙疏其

證至四十餘種為藥療之明日而二十四證減前後五六日良愈侯厚謝而去凡治設施皆此類也

調經升麻除濕湯治女子漏下惡血月事不調或暴崩止

多下水漿之物皆由飲食失節或勞傷形體或素有心氣

不足因飲食勞倦致令心火乘脾其人必怠惰嗜卧四肢

不收困倦之力無氣以動氣知上氣逆急上衝其脉緩而

弦急按之洪大皆中指下得之脾土受邪也脾主滋榮周

身者也心主血血主脉二者受邪病皆在脉脉者血之府也

脉者人之神也心不主令包絡伐之故曰心之脉主属心

系心系者包絡命門之脉至月事因脾胃虛而心包乘之

故漏下月水不調也况脾胃為血氣陰陽根蒂當除濕去
照益風氣止伸以勝其濕又云火鬱則發之

柴胡

羌活各錢半

防風一錢

蔓荊子七分

獨活半錢

蒼朮一錢半

甘草灸一錢

升麻一錢

藁本一錢

當歸酒製半錢

黃芪一錢半

右咬咀如麻豆大勿令作末都作一服以潔淨新汲
水五大盞煎至一觔去滓空心腹中無宿食熱服之

侍少時以早飯壓之可一服而已如灸足太陰脾經
中血海穴二七或三七壯立已此藥乃從權之法用
風勝濕為胃下陷而氣迫於下以救其血之暴崩也
病血惡之物住後必須黃芪人參當歸之類數服以
補之於補氣升陽湯中加以和血藥便是也若經血
惡物下之不絕尤宜究其根源治其本根只益脾胃
退心火之亢乃治其根蒂也若過夏月白帶下脫漏
不止宜用此湯一服立已

涼血地黄湯治婦人血崩是腎水陰虛不能鎮守包絡
相火故血走而崩也

生地黃	半錢	黃連	三分
黃蘗	二分	黃芩	一分
知母	二分	羌活	三分
柴胡	三分	升麻	二分
防風	三分	藁本	二分
當歸	半錢	甘草	一錢
細辛	二分	荆芥穗	一分
川芎	二分	蔓荊子	一分
紅花	少許		

右咬咀都作一服水三大觔煎至一觔去粗稍熟服

空心食前足太陰脾之經中血海二穴在膝臏上內
 臏白肉際二寸中治女子漏下惡血月事不調逆氣
 腹脹其脈緩是也灸三壯足少陰腎之經中陰谷二
 穴在膝內輔骨後大筋下小筋上按之應手屈膝取
 之治膝如錐不得屈伸舌縱涎下煩逆溺難小腹急
 引陰痛股內臏痛婦人漏血不止腹脹滿不得息小
 便黃如盡女子如妊娠可灸二壯
 丁香膠艾湯治崩漏不止蓋心氣不足勞役及飲食不
 節所得經隔少時其脈二尺俱弦緊時洪按之無力其
 證自覺臍下如水永厚衣覆以禦其寒白帶白滑之物

多間有屋漏水下時有鮮血右尺脈時洪微也屋漏水
暴多下者是急弦脈寒多如洪脈時見乃熱少合而明
之息弦者北方寒水多也洪脈時出者是命門包絡之
火少也黑物多赤物少合成屋漏水之狀也

當歸身一錢二分

川芎四分

阿膠六分炮

熟地黄三分

生艾葉一錢

白芍藥三分

丁香四分

右件川芎為末當歸酒洗剉熟地黄亦剉丁香為細
末艾剉都作一服用水五大觔先煎五味作一大盞

二分去滓入膠艾再上大煎至一大盞空心食前帶

執服之

丁未仲冬郭大方說其妻經水暴崩不止先曾損身失血
自後一次經縮十日而來今次不止其人心窄忤急多驚
料之必因心氣不足飲食失節得之大方白無到彼診得
中寒脈沉細而緩間而沉數九竅微不利四肢無力上喘
氣短促口鼻氣皆不調果有心氣不足脾胃虛損之證胃
脘當心而病及左勝下縮急有積當臍有動氣腹中鳴下
氣大便難諸虛證極多不能盡錄擬先治其本餘證可以
皆去與安心定志鎮墜其驚調和脾胃益元氣補血脈養

其神以大熱之劑去其冬寒寒凝在皮層內少加生地黄
去命門相火不令四肢痿弱黃芪當歸人參湯主之

黃芪當歸人參湯

黃芪一錢

當歸身一錢半

人參一錢

草豆蔻仁六分

炒麵半錢

黃連一分

生地黄三分

陳皮半錢

麻黃不去節一錢

杏仁五箇研

桂枝半錢

右以咀分作二服每服水二大觥半煎麻黃令沸去

沫煎至二觥入諸藥同煎至一大觥於巳午之間食
消盡服之第一服主乃分再煎滓服立止其胃脘痛
乃胃土有客寒與大熱藥草豆蔻九十五丸其痛立
止再與肝之積藥除其積之根源而愈

當歸芍藥湯治婦人經脈漏下不止其色鮮紅時值七
月處暑之間先因勞役脾胃虛損氣短氣逆自汗不止
身熱悶亂惡見飲食非惟不入亦不思食沉困懶倦四
肢無力大便時泄後再因心氣不足經脈再下不止惟
覺氣下脫其元氣逆上全每惟覺心腹中氣下行氣短
削不能言是無力以言非懶語也此藥主之

黃芪 一錢半

白朮 一錢半

蒼朮

當歸身

白芍藥 各一錢

熟地黃 半錢

炙甘草

生地黃 各三分

橘皮 五分

柴胡 二分

右十味咬咀如麻豆大分作二服每服水一觥半煎至一觥去滓稍熟服空心一服之後漸減次日全住諸證悉去頃喜飲食蓋天氣通而聞飲食香得平康故也

柴胡調經湯治經水不止解紅項筋急腦痛脊骨強痛

可思飲食

羌活 一錢

獨活 半錢

藁本 半錢

蒼朮 一錢

柴胡 七分

升麻 半錢

葛根 三分

當歸身 三分

炙甘草 三分

紅花 少許

右剉如麻豆都作一服水四大錢煎至一觥去滓空心稍熟服取微汗立止

一婦人經候黑血凝結成塊左廂有血瘕水泄不止穀有時不化有時化後血塊暴下併水俱作是前後二陰有形

血脫竭於下既久經候猶不調水泄日見三兩行食罷煩
心不快飲食減少甚至瘦弱中治乃審而思之曰夫聖人
治病必本四時升降浮沉之理權變之宜必先歲氣無伐
天和無盛令無虛虛遺人天殃無致邪無失正絕人長命
故仲景云陽盛陰虛下之則愈汗之則死大抵聖人立法
且如升陽或發散之劑是助春夏之陽氣今其上升乃瀉
秋冬收藏殞殺寒涼之氣此病是也當用此法治之升降
浮沉之至理也天地之氣以升降浮沉乃從四時如治病
不可逆之故經云順天者昌逆天者亡可不畏哉夫人之
身亦有四時天地之氣不可止認在外人亦體同天地也

今經漏不止是前陰之氣血已脫下矣水泄又數年是後
陰之氣血下陷已脫矣後陰者至有形之物也前陰者精
氣之戶下竭是病人周身之氣血常行秋冬之令陰主殺
此等收藏之病是也陰生陰長春夏是也在人之身今氣
升浮者穀氣上行是也既病人周身氣血皆不生長穀氣
又不升其肌肉消少是兩儀之氣俱將絕既下元二陰俱
脫血氣消竭假令當是熱證今下焦久脫此為寒矣此病
久沉久降寒濕大勝當急救之瀉寒以熱除濕以燥大升
大舉以助生長補養氣血不致偏竭聖人五治之法濕氣
大勝以所勝治之助甲風木上升是也故經云風勝濕是

以所勝平之也當先調和胃氣用白朮之類以燥其濕而滋元氣如其不止後用風藥以勝濕此便是大舉大升以助春夏二濕之久陷下之治也

益胃升陽湯血脫益氣古聖人之法也先補生發之氣故曰陽生陰長諸甘藥為之先務舉世皆以為補氣耳不知甘能生血此陽生陰長之理故先理胃氣人之身內穀為寶

黃芪 二錢

人參 一錢半有嗽去之

炙甘草 一錢

升麻 半錢

柴胡 半錢

白朮 三錢

當歸身 一錢酒浸

炒麴 一錢半

陳皮 一錢

生黃芩 瀉盛暑之伏庚金肺逆每服加少許秋涼去之

右件咬咀每服秤一錢或二錢視食加減之如食少已定二錢內更減之不可令勝食每服水二大盞煎至一盞去滓稍熱服如腹中痛每服加芍藥三分去皮中桂少許如渴或口乾加乾葛二分不計時候升陽舉經湯治經水不止如右尺脈按之空虛是氣血俱脫大寒之證輕手其脈數疾舉指弦緊或澁皆陽脫之證陰火亦亡見熱證於口鼻眼或渴此皆陰躁陽欲先去也當溫之舉之升之浮之燥之此法當大升浮血

氣切補命門之下脫也

柴胡

藁本 去 二錢

白木 三錢

黃芪 味甘者佳

當歸身 各三錢

紅花 少許

肉桂 去皮盛暑勿用秋冬半錢

桃仁 湯浸去皮尖 十箇細研

川芎 一錢

細辛 六分

地黃

人參 各一錢

白芍藥 半錢

羌活 二錢

黑附子 炮去皮臍

獨活 一錢半

防風 二錢

甘草 一錢半

右件吹咀每服秤三錢若病勢順當漸漸加之至半兩止服水三盞煎至一盞去滓空心稍熟服之

○每日水泄三兩行米穀有時不化論

凡泄痢米穀不化謂飡泄是清氣在下胃氣不上升古之聖人以升浮扶持胃氣一服而愈知病在中焦脾胃也又濕多成五泄濕者胃之別名也病本在胃故真氣弱真氣者穀氣也不能尅化飲食乃濕勝也以此論之止是脾胃弱所得也初病之時奪食或絕不食一二日胃氣日勝泄不作矣今已成大泄又去治濕不利小便非其治也又曰下焦如瀆又云在下者引而竭之二陰有所積畜利於便

服

不

利去之也唯此證下宜以此論之其病得之於胃氣下流
清氣不升陽道不行宜升宜舉不宜利小便頭有疾取之
足為陽病在陰足有疾取之上為陰病在陽也經言陽病
在陰陰病在陽也此之謂也中有疾傍取之傍者少陽甲
膽是也中者脾胃也脾胃有疾取之於足少陽甲膽者甲
風是也東方春也胃中之穀氣者便是風化也一體休作
兩認故曰胃中濕勝而成泄瀉助甲膽風勝以剋之又是
升陽助清氣上行者也泄不止有五經漏亦然此皆清氣
不升而作也止合益胃助清氣上行為法又一說中焦元
氣不足澀便謂之變陽為之苦鳴亦緣春氣不升故治甲

腸

痞

風上升又云風勝濕者是也大抵此證胃氣弱不能食奪
食則一二日可止也奪食之理為胃弱不能剋化食下則
為泄如食不下何以作泄當為藥滋養胃氣令和候泄止
漸與食胃氣勝則安矣若食不化者升陽風藥內加炒麩
同煎兼食入須心下活心下者胃之口也必口沃沫或食
入反出皆胃上停寒其左手關脈中弦按之緩是風濕相
合穀氣不行清氣不升為弦脈之寒所隔故不下也麩之
大熱亦能去之若反胃者更加半芩生姜入於風藥內同
煎奪食少食欲便胃氣強盛也若藥劑大胃不能勝藥泄
亦不止當所與之今病既久已至瘦弱當以常治法治之

使
漸

不可多服藥餌切囑人之肉如地土豈可每之消瘦入有必死者入般素問中有七靈樞經中有一若病肌肉去盡勿治天命已矣如肌肉不至消瘦當急下之先當食而益胃氣與升陽先助真氣次用風藥以助升騰之氣可以已矣餘皆勿論此治之上也

○半產妄用寒涼藥有悞論

婦人分娩及半產漏下昏冒不省瞑目不知覺蓋因血暴亡有形血去則心神無所養心與包絡者君火與相火也得血則安亡血則火之上燬故令昏冒火乘其肺瞑目不省人事是陰血暴去不能鎮撫也血已虧損往往用滑石

甘草石膏之類乃辛甘大寒之藥能瀉氣中之熱是血虧瀉氣乃陰虧瀉陽使二者俱傷反為不足虛勞之病昏迷不省者上焦心之熱也此無形肺之熱用涼寒之藥驅令下行豈不知上焦之病悉屬於表乃陰證也汗之則愈今反下之幸而不死暴虧氣血生命豈能久活又不知內經有說病氣不足宜補不宜瀉但瞑目之病悉屬於陰宜汗不宜下又知傷寒鬱冒得汗則愈是禁用寒涼藥也分免半產本氣不病是暴去其血亡血補血又何疑焉補其血則神昌常時血下降亡今當補而升舉之心得血而安神不昏矣血若暴下是扶冬之令大旺能舉而升之以助其

陽則目開神不昏迷矣今立一方補血養血生血益陽以
補手足厥陰之不足名曰全生活血湯

全生活血湯

柴胡二錢

當歸身 酒製二錢

生地黄 一錢 夏月加之

熟地黄 一錢

川芎 一錢半

防風 二錢

諸陽既陷何以知之血下脫故也

細辛

蔓荊子 各五分

藁本 一錢半

羌活

獨活 各二錢

升麻 三錢

葛根 二錢

白芍藥 三錢

炙甘草 二錢

紅花 三分

右件咬咀如麻豆大每服五錢水二盞煎至一盞去

滓稍熱服食前

○癩疔帶下論

脈解論云厥陰所謂癩疔婦人少腹腫者是也厥陰者辰
也三月陽中之陰邪在中故曰癩疔小腹腫也所謂腰脊
痛不可以俛仰者三月一振榮華萬物一俛而不仰也所
謂癩癢疔膚脹者陰亦盛而脈脹不過故曰癩癢疔也所
謂甚則噬乾熱中者陰陽相薄而熱故噬乾也骨空論云

任脈者起於中極之下以上毛際循腹裏上關元至咽喉
上頤循面入目任脈為病男子內結七疝女子帶下瘕聚
又督脈者起於小腹以下脊中央女子入繫廷孔其孔漏
孔之端也其絡循陰器合纂間繞纂後別繞臂至少陰與
巨陽中絡者合少陰上股內後臙貫脊屬腎與太陽起於
目內眥上額交巔上入絡腦還出別下項循肩髀內挾脊
抵腰中入循膂給腎其男子循莖下至纂與女子等其小
腹直上者貫臍中央上貫心入喉上頤環唇上繫兩目之
下中央此生病從小腹上衝心而痛不得前後為衝疝其
女子不孕癥痔遺溺嗑乾腎脈生病治腎脈治在骨上甚

者在臍下營

黃帝鍼經六卷五色第四

痛下為卯腎乘心心先病腎為

應色皆如是男子色在於面主為小腹痛下為卯痛其圜
直為莖痛高為本下為首疝瘡陰之屬也女子色在於
面主為膀胱子處之病散為痛搏為聚方圓左右各如其
色形其隨而下至臍為淫有潤如膏狀為暴食不潔左為
左右為右其色有邪聚空不端面色如指者也色者青黑
赤白黃皆端滿有別鄉別鄉赤者其色赤大如榆莢在面
主為不月其色上銳首空上向下銳下向在左右如法以
五色命藏青為肝赤為心白為肺黃為脾黑為腎肝合筋
心合脈肺合皮脾合肉腎合骨也夫手足厥陰者生化之

源也足厥陰主肝木肝藏血手厥陰命門包絡相火男子藏精施化婦人繫胸有孕生化雖異受病則同女子二七而天癸至任脉通太衝脉盛月事以時下故有子皆主生化如病則癩疔帶下之病作矣叔和云尺脉第三同斷病者是也

酒煮當歸丸治癩疔白帶下疰脚氣腰已下如在冰雪中以火焙乾重重厚綿衣蓋其上猶寒冷不任寒之極也面白如枯魚之像肌肉如刀刮削瘦峻之速也小便不止與白帶常流不禁固自不知覺面白目青藍如菜色目眊眊無所見身重如山行步欹側不能安地腿膝

枯細大便難閉口不能言無力之極食不下心下痞煩心懊憹不任其苦面停垢背惡寒此上中下三陽真氣俱虛欲竭噦嘔不止胃虛之極也其脉沉厥緊而澁按之空虛若脉洪大而澁按之無力猶為中寒之證況按之空虛者乎按之不鼓是謂陰寒其空虛乃血氣俱虛之極也

當歸 一兩

茴香 半兩

良薑 七錢

黑附子 七錢

四味剉如麻豆大以上等好酒一升半同煎至酒盡焙乾

炒黃鹽 三錢

丁香 半錢

全蝎 三錢

柴胡 二錢

升麻

木香 各一錢

苦練 生用

炙甘草 各半錢

玄胡 四錢

右與前四味藥同為細末酒煮白麵糊為丸如梧桐

子大每服五七十九丸空心宿食消盡淡醋湯送下忌

酒濕麵油膩物

固真丸治白帶谷下不止臍腹冷痛陰中亦然目中溜

火壅其上視物眩々然無所見牙齒惡熱飲痛須得黃

枯細大便難閉口不能言無力之極食不下心下痞煩
心懊懷不任其苦面停垢背惡寒此上中下三陽真氣
俱虛欲竭噦嘔不止胃虛之極也其脉沉厥緊而澁按
之空虛若脉洪大而澁按之無力猶為中寒之證沉按
之空虛者乎按之不鼓是謂陰寒其空虛乃血氣俱虛
之極也

當歸 一兩

茴香 半兩

良薑 七錢

黑附子 七錢

四味劉如麻豆大以上等好酒一升半同煎至酒盡

焙乾

炒黃鹽 三錢

全蝎 三錢

升麻

苦練 生用

玄胡 四錢

右與前四味藥同為細末酒煮白麵糊為丸

子大每服五七十九空心宿食消盡淡醋湯

此藥治...

連細末搽之乃止惟喜乾食大惡湯飲此病皆寒濕乘

其胞內故喜乾而惡濕肝經陰大上溢走於標故上壅

而目中溜火腎水浸肝而上溢致目眵々而無所見齒

惡熱飲者是少陽陽明經伏火也

白石脂 一錢以火燒赤水飛研細日乾

乾姜 炮四錢 黃蘗 酒製

白芍藥 各半錢 白龍骨 二錢

柴胡 一錢 當歸身 酒製二錢

前證乃寒濕為之也治法當大瀉寒濕以九子藥治之故
曰寒在下焦治主病宜緩以製大忌湯散以石脂白龍骨

以枯其濕以炮乾薑大辛熱瀉寒水以黃蘗之大寒為因
用又為卿導故云古者雖有重罪不絕人之後亦為之伏
其所主先其所因之意又瀉齒中惡熱飲也以柴胡為本
經之使以為藥半錢導之恐辛熱之藥太甚損其肝經故
微瀉之當歸身辛溫大和其血脈此用藥之法完備矣

右件除石脂龍骨水飛研外同為極細末水煮稀麩
糊為丸如雞頭大日乾空心候宿食消盡煎百沸湯
令大溫多用送下無令胃中停滯待少時以早饑壓
之是不令熱藥犯胃也忌生冷硬物酒與濕麵

白文舉正室白帶常漏久矣諸藥不效詠得心包尺脈微

其白帶下流不止叔和云崩中日久為白帶漏下多時骨
木枯言崩中者始病血崩久則血少復亡其陽故白滑之
物下流不止是本經血海將枯津液復亡枯乾不能滋養
筋骨以本部行經藥為引用為使以大辛甘油膩之藥潤
其枯燥而滋津液以大辛熱之氣味藥補其陽道生其血
脈以苦寒之藥泄其肺而救上熱傷氣以人參補之以微
苦溫之藥為佐而益元氣名之曰補經固真湯

補經固真湯
柴胡 各一錢
炙甘草 各一錢
乾薑 細末二錢
橘皮 半錢

人參 二錢

郁李仁 一錢 研如泥

白葵花 去萼四分

生黃芩 一錢 另入

右件除黃芩外以水三盞煎至一盞七分再入生黃芩同煎至一盞去滓空心無宿食帶熱服少時以早饑壓之

升陽燥濕湯治白帶下陰戶痛控心急痛身黃皮瘰身如山重陰中如水

防風 一錢

柴胡 一錢三分

良薑

乾薑 各一錢

橘皮 半錢

白葵花 七朵

生黃芩 半錢

郁李仁

甘草 各一錢

右件剉如麻豆大分作二服每服水二盞煎至一盞去滓稍熱服食前少時以美饑壓之

當歸附子湯治臍下冷痛赤白帶下

良薑

乾薑

附子 已上各一錢

柴胡 七分

升麻 五分

炙甘草 六分

當歸 二分

蝎梢 五分

炒鹽 三分

黃蘗 少許為引用

右為麤末每服五錢水五盞煎至一盞去滓稍熱服
或為細末酒糊作丸亦得

調經固真湯冬後一月微有地泥水泮其白帶再有陰
戶中寒

立此方一服而愈

麻黃 不去節五分 杏仁 二箇

桂枝 少許 炙甘草 五分

黃芪 七分 人參 一分

當歸身 各五分 高良姜 一錢

白朮 五分 蒼朮 二分

澤瀉 各一錢

防風 二分 柴胡 四分

獨活 藁本 各二分

生黃芩 各五分 乾薑 炮二分

白葵花 七朵去萼

右件吐咀如麻豆大除黃芩麻黃各另外都作一服
先以水三大盞半煎麻黃一味令沸掠去沫入餘藥
同煎至一盞七分再入生黃芩煎至一盞去滓空心
宿食消盡日高時熱服之待一時許可食早飯
桂附湯治白帶腥臭多悲不樂大寒

肉桂 一錢

附子 三錢

黃蘗 五分為引用

知母 五分

不思飲食加五味子

煩惱面上麻如虫行乃胃中元氣極虛加

黃芪 一錢半

人參 七分

炙甘草

升麻 五分

右件咬咀都作一服水二盞煎至一盞去滓稍熟服

食遠

戊申春一婦人六十歲病振寒戰慄太陽寒水客也呵欠

嚏噴足少陽溢也口亡津液足陽明不足也心下急痛而

痞手少陰受寒也故急痛足太陽血滯為痞身熱近火熱

在皮表寒在骨髓亦有拒寒戰慄也臍下惡寒丹田有寒

也也渾身黃而白睛黃寒濕也以餘證之知其寒也溺黃赤

而黑頻數寒濕勝也自病來身重如山便着床枕至陰濕

盛也其脈詆得左右關并尺命門中得弦而急極細雜之

以洪而極緩強急為寒加以細細者北方寒水雜以緩

甚者濕勝山黃色也又洪大者心火受制也左尺按之至

骨舉指來實者壬癸俱旺也六脈按之俱空虛下焦無陽

也先以輕劑去其中焦寒濕兼退其洪大脈理中湯加茯

苓是也

苓理中茯苓湯

白朮

炙甘草

茯苓除寒濕各五錢

右件為細末每服秤二錢水一盞半煎至一盞冰之

令寒服之謂之熱因寒用其寒以對足太陽之假熱

也以乾薑之辛熱以瀉真寒也故曰真對真假對假

若不愈當以朮附湯水之令寒以補下焦元氣也

玄胡苦練湯治臍下冷撮痛陰冷大寒帶下

肉桂

附子各三分

熟地黄 一錢

炙甘草 半錢

苦練子

玄胡 各二分

黃蘗一分為引用

右都作一服水四盞煎至一盞稍熱服食前

黃芪白朮湯治婦人四肢沉重自汗上至頭際頭而還

惡風頭暈熱

黃芪 一兩 白朮 半兩

黃蘗 酒製二錢 細辛 三分

川芎 半錢 吳茱萸 半錢

羌活 二錢 五味子 三錢

人參 半兩

炙甘草 二錢

當歸身 一錢半

柴胡

升麻 各一錢

腹中不快加炙甘草一錢

汗出不止加黃蘗一錢

右件以咀每服半兩水二大盞入生姜五片煎至一

盞去滓稍熱服食前

增損四物湯治婦人血積

當歸

川芎

芍藥

熟地黄

廣茂

京三稜

桂

乾漆 炒煙盡

右件等分為末每服三錢水二大盞煎至一盞去

滓稍熱服食前

柴胡丁香湯一婦人年三十歲臨經預先腰膺痛甚則

腹中亦痛經縮兩三日

柴胡 一錢半

羌活 一錢

丁香 四分

全蝎 一箇

防風

當歸身 各一錢

生地黄 二分

都作一服水四盞煎至一盞去滓稍熟服食前
坐藥龍塩膏

丁香 一錢半

全蝎 五箇

木香 一錢半

良薑 一錢

川烏頭 一錢半炮

枯礬 半錢

龍骨 二錢

茴香 三分

當歸尾 一錢

玄胡 五錢

炒塩 二錢

漢防己 酒製 一錢

厚朴 三錢

紅豆

肉桂 各二錢

木通 一錢

右件為細末煉蜜為丸如彈子大綿裹留絲在外納
丸藥陰戶內

勝陰丹為上藥力小再取三錢內加行性熱藥下項

三柰子

川烏頭

大椒 各半錢

柴胡

羌活 各二分

全蝎 三箇

蒜 七分

甘松 二分

破故紙 與蒜同
煑焙乾 八分

升麻

枯白礬 各二分

麝香 少許

右為細末煉蜜為丸如彈子大依前用度

又方坐藥迴陽丹

草烏頭 三分

水蛭 三箇

蝨 三箇 去翅足

川烏頭 七分

大椒 半錢

柴胡 七分

羌活

全蝎

升麻 各二分

蒜

破故紙 各一錢

三柰子

畢撥 各半錢

甘松 二分

枯礬 半錢

炒黃鹽 一錢 必用之藥

右為極細末煉蜜丸如指尖大用綿裹定留係內陰

戶中覺臍下暖為度

孕婦有病毒之無損

一婦人重身五六月冬至日因祭祀而哭慟口吸風寒忽
病心痛而不可忍渾身冷氣欲絕求治於師料之曰此乃
客寒犯胃故胃腕當心而痛急與麻黃草豆蔻半夏乾生
薑炙甘草益智仁之類治之或曰半夏有小毒重身婦人
服之可乎師曰可或曰不可而用之何如師曰乃有故而
用也故麻黃半夏生薑之辛熱以散風寒尚不能收全功
何暇損胎乎內經云婦人重身毒之何如歧伯曰有故無
損故無損也大積大聚其可犯也衰其大半而止過則死

草

矣投之病良愈而胎亦無損

小兒門

癩疹論

夫癩疹始出之證必先見面燥腮赤目胞亦赤呵欠煩悶
乍涼乍熱咳嗽嚏噴足稍冷多睡々驚並瘡疹之證或生
膿胞或生小紅癩或生癰疹此三等不同何故俱顯上證
而後乃出蓋以上諸證皆太陽寒水起於右腎之下煎熬
左腎足太陽膀胱寒水夾脊逆流上頭下額逆手太陽丙
火不得傳道逆於面上故顯是證蓋^太寒水剋丙丁熱火
故也諸癩證皆從寒水逆流而作也醫者當知此理乃敢

煩

宮

用藥夫胞者一名赤官一名^{四字元}赤官一名丹田一名命門主
男子藏精施化婦人繫胞有孕俱為生化之源非五行也
非水亦非火此天地之異名也象坤土之生萬物也夫人
之始生血海始淨一日二日精勝其血則為男子三日四
日五日血脈已旺精不勝血則為女子乃二物相搏長生
先身謂之神又謂之精道釋二門言之本末面目是也其
子在腹中十月之間隨母呼吸母呼亦呼母吸亦吸呼吸
者陽氣也而生動作滋益精氣神飢則食母血渴則飲母
血兒隨日長皮肉筋骨血脈形氣俱足十月降生口中尚
有惡血啼聲一發隨吸而下此惡血復歸命門胞中僻于

稀

一隅伏而不發直至因內傷乳食濕熱之氣下溜合於腎中二火交攻營氣不從逆於肉理惡血乃發諸癩疹皆出於膀胱壬水其瘍後環肉理歸於陽明故三番癩始顯之證皆足太陽壬膀胱剋丙小腸其始出皆見於面終歸於陽明肉理熱化為膿者也二火熾盛反勝寒水遍身俱出此皆從足太陽傳變中來也當外發寒邪使令消散內瀉二火不令交攻其中令濕氣上歸復其本位可一二服立已仍令小兒已後再無二者癩出之患此內經之法覽者詳之

消毒救苦湯治癩證米真消化便令不出如已稀者再

不生癩仲冬立此方隨四時加減通造化明藥性者能此

- 麻黃 不去根節 羌活
- 防風 各五分 川芎 二分
- 細辛 一分 藁本
- 柴胡 各二分 升麻 五分
- 葛根 一分 黃芩 二分酒製
- 生地黄 二分 生黃芩 一分
- 黃連 二分 酒黃蘗 五分
- 紅花 半分 蘇木 一分

參

三

當歸二分

吳茱萸 五分

白木 一分

蒼朮 二分

生甘草 一分

橘皮 一分

半錢

連翹 五分

九

噴

右劉如麻豆大每服五錢水二盞煎至一盞去滓稍
 熱服空心食前夫癩疹出者皆因內傷飲食致令營
 氣逆故也大禁牽牛巴豆食藥宜以半夏枳朮尤大
 黃益智仁之類去其青瀉止其吐若耳尖冷呵欠睡
 中驚嚏噴眼澁知必出癩也諸大膿胞小紅癩癰疹
 三色皆營氣逆而寒覆其表宜以四味升麻湯加當

歸身連翹此定法也如肺成膿癩先顯喘嗽或氣高
 而喘促加人參而補元氣少加黃芩以瀉伏火如心
 出小紅癩必先見血溢驚身熱肌肉腫脉弦洪少加
 黃芩命門出癰疹必先骨痛身熱其疼不敢動搖少
 加生地黃黃蘗諸癩疹皆為陰證瘡瀕因內傷乳食
 脾胃不足營氣逆行雖火勢內熾陰覆其外故錢仲
 陽製四物升麻湯發之如有傳變證依加減法服之
 桔梗湯如癩已出只時々與之快咽喉寬利胸膈
 桔梗 二錢
 生甘草 一錢
 右咬咀作一服水二盞煎一盞不拘時々服之

黍粘子湯如痲子已出稠密身表熱急與此藥服之防
後青乾黑陷

黍粘子 炒香

地骨皮 各二錢

柴胡 一錢半

炙甘草 一錢半

連翹 二錢半

當歸身 酒洗

黃芪 各一錢

黃芩 一錢半

右以咀每服三錢水一盞半煎至一盞去粗溫服

○治驚各有所因用藥不同論

錢仲陽治急驚以涼瀉之肝風木也主驚心熱火也主動
火來木中子能令母實之則瀉其子故立瀉青丸導赤散

之類瀉其肝實驚自愈矣內經曰風淫所勝平以辛涼者
是也夫慢驚者皆因妄用快利食藥損其脾胃久瀉不止
或因乳食不調而成吐瀉亦令脾胃虛損內經云不足而
往有餘隨之又之不及則兼其所不勝故風木來乘土位
慢驚之病作矣治當詳其溫涼寒熱先實其脾胃後散風
邪則愈矣又如外物驚者宜鎮平之以黃連安神丸若氣
動所驚者宜寒水石安神丸不可便以辛熱之藥散之防
風丸之類是也因驚而泄青色者先鎮平以朱砂之類治
以風邪下陷也不可便用苦寒之劑瀉其土也

○益黃散辨

閻孝忠編集錢氏方以益補散補主又言風旺必尅脾土當先實其脾味者不審脾中寒熱一例作補脾藥用之又
不審藥中有丁香青橘皮辛熱大瀉肺金豈可脾虛之證
及瀉其子蓋為寒水反來侮土守寒嘔吐腹痛瀉痢青白
口鼻中氣冷益黃散神治之藥也如因熱藥巴豆之類過
劑損其脾胃或因暑天傷熱乳食損其脾胃而成吐瀉口
鼻中氣熱而成慢驚者不可服之今立一方治胃中風熱
人參安胃散

人參安胃散

人參一錢

黃芪二錢

生甘草

炙甘草 各五分

白芍藥 七分

白茯苓 四分

陳皮 三分

黃連 二分

內經云熱淫於內治以甘寒以甘瀉之以酸收之甘
草人參黃芪之甘溫能補元氣甘能瀉火補土白茯
苓甘平白芍藥酸寒補肺金之不足陳皮黃連之苦
寒為佐以退火邪土金得平風證無由作矣

右件為細末每服二錢水一盞半煎至一盞去滓大
溫服食前夫益黃散理中丸養脾丸之類治脾胃中
寒溫大勝神品藥也若服熱藥巴豆之類虛其胃氣

脾胃中伏熱火及大人勞役不足之證或吐瀉不止
不宜用之故陶隱居云醫者意也古之所謂良醫蓋
以其意量而得其節也治病心察其本不可執方療
之或病髮鬢合方未對其證不察病機所宜大同小
異致令乖舛以取危亡可悲也夫

梔子茯苓湯治黃疸土色為熱為濕當小便不利今反

利知黃色為燥胃經中火熱髮黃脫落知膀胱腎俱受

土邪乃大濕熱之證鼻下斷作瘡者土逆行營氣伏火

也能乳者胃中有熱也寒則食喜食土者胃不足也面

黑色者為寒為痺大便青寒褐色血黑色熱畜血中間

黃色

腸胃有熱

治法當滋營潤燥熱內寒外致津液

山梔子 三分

黃蘗

炙甘草 各二分

大蕪荑 半錢

黃連 一分

麻黃 不去根節

羌活 各二分

柴胡 三分

防風 一分

白朮 半錢

茯苓 三分

當歸 四分

右件剉如麻豆大都作一服水一盞半煎至一盞去
滓稍熱食前

茯苓滲濕湯治小兒面色痿黃腹臌脹食不下

麻黃	杏仁二箇	厚朴	柴胡 <small>半分</small>	白木 <small>半分</small>	升麻 <small>一分</small>	澤瀉	猪苓	青皮	黃蘗 <small>二分</small>
桂枝 <small>各二分</small>	草豆蔻	麴末 <small>各二分</small>	羌活 <small>二分</small>	吳茱萸 <small>二分</small>	蒼朮	茯苓	橘紅 <small>各二分</small>	黃連 <small>各半錢</small>	

右都作一服水一大盞煎至七分去滓大溫服食前
 升陽益血湯時仲春一小兒未滿百日病腹脹二日大
 便一度瘦弱遍身黃色宜升陽氣滋血和血補潤腸胃
 乾燥也

蝎梢 <small>二分</small>	麴米 <small>三分</small>
厚朴	當歸 <small>各一錢</small>
桃仁 <small>十箇</small>	升麻 <small>三分</small>

都作一服水一盞煎至半盞去滓稍熱服食前
 厚腸丸治小兒失乳以食飼之未有食腸不能剋化或
 生腹脹四肢瘦弱或痢色無常

橘皮 三分

大麦麵 半錢

半夏 三分

枳實 半錢

蒼朮 三分

青皮 二分

人參 三分

厚朴 二分

麴末 半錢

右為細末煮麵糊為丸如麻子大每服二十九溫水送下食前忌飽食

補陽湯時初冬一小兒二歲大寒證明堂青脉額上青黑腦後青絡高起舌上白滑喉鳴而喘大便微清耳尖冷眼淡常々淚出仍多眵胸中不利卧而多驚無搖即

寒

柴胡

升麻 各二分

麻黃 三分

吳茱萸 五分

地龍 五分

蝎梢 一分

生地黄 五分

當歸身 三分

炙甘草 一分

黃芪 二分

黃蘗

橘皮

葛根

連翹 各一分

右件咬咀都作一服水一大盞半煎至一盞去滓乳食後熱服之服藥之後添喜笑精神出氣和順乳食

半錢

半錢

半錢

進

中滿分消丸

黃連

厚朴 姜製各半錢

薑黃

橘皮

甘草各一錢半

澤瀉

半夏 四錢

枳實 麩炒

生薑

猪苓 各一錢

白朮

砂仁

茯苓 各三錢

黃芩 一兩二錢

右件為細末湯浸蒸餅為丸如黍米大每服三五十

丸溫水送下食前

消痞丸

黃連 半兩

黃芩 二錢

人參 四分

生薑 四分

薑黃 半錢

枳實 二錢

甘草 三分

厚朴 七分

橘皮 一分

右為細末蒸餅為丸如黍米大每服三十九隨乳

下

麻黃升麻湯治小兒寒鬱而喘喉鳴腹中鳴腹滿鼻流

清涕脉沉急而數

麻黄

草豆蔻仁 各一钱半

益智仁 一分半

厚朴 二分

甘草 一分

當歸尾

升麻

麴末 各半分

吳茱萸 二分

柴胡 一分

蘇木 半分

紅花 少許

生黄芩 一分

全蝎 二箇

右件咬咀如麻豆大分作二服每服水一大盞煎至七分去粗稍熟服食遠忌風寒微有汗乃效

